

Stranka dijaspore i koalicija "Prvi mart" potpisali sporazum o suradnji

28/03/2013 17:19 by Administrator

Stranka dijaspore (SD) BiH zaključila je u Geteborgu sporazum o suradnji s Građanskom koalicijom "Prvi mart" radi omasovljavanja broja birača na parlamentarnim izborima 2014. godine. Sporazum su potpisali Edin Osmanović u ime SDBiH i Emir Suljagić u ime Koalicije "Prvi mart". Stranka dijaspore BiH kao i Koalicija "Prvi mart" imaju identične programske ciljeve, iste ideje i viziju civilnog društva iz čega je logično i proizašao taj sporazum.

Kako se ljudska prava prognanih, izbjeglih i dijaspore kontinuirano krši, taj sporazum daje mogućnost zajedničkog djelovanja kako prema bosanskohercegovačkoj javnosti, tako i prema institucijama odgovornim u donošenju zakonske legislative.

Stranka dijaspore BiH apelira na bh. dijasporu, udruženja, saveze i zajednice da prekinu glasačku apstinenciju i da se uključe u našu zajedničku kampanju omasovljavanja birača iz inozemstva da bismo izborom zajedničkih kandidata na predstojećim parlamentarnim izborima inicirali neophodne promjene i reforme u državi - navode iz Stranke dijaspore BiH.

Ističu da je "bh. dijaspora snaga BiH i njen neskorišteni potencijal koji može oživati građanski identitet države".

Izvor vijesti: Vijesti.ba/Fena